



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-1182/22  
Vogošća, 23.09.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.09.2022. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI I  
DOGRADNJI JAVNE RASVJETE NA PODRUČJU OPĆINE VOGOŠĆA**

**Član 1.**

Ponuda ponuđača "Ses" d.o.o. Sarajevo, ulica Bačići broj 11. Sarajevo, odabrana je za izvođenje radova na izgradnji i dogradnji javne rasvjete na području općine Vogošća, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 119.996,55 KM bez uračunatog PDV-a, odnosno 140.395,96 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 30.06.2022. godine donio Odluku o pokretanju Otvorenog postupka nabavke radova na izgradnji i dogradnji javne rasvjete na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 01.07.2022. godine pod brojem: 1353-1-3-104-3-115/22.

Sažetak Obavještenja o nabavci objavljen je u "Službenom glasniku BiH" broj: 45/22 od 08.07.2022. godine.

Tendersku dokumentaciju sa Portala javnih nabavki BiH je preuzeo 21 (dvadeset i jedan) ponuđač.

Krajnji rok za dostavu ponuda bio je 20.09.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.09.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1182/22 iz juna 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Nexen" d.o.o. Banja Luka	137.427,84	/	/	160.790,57
2	"Ses" d.o.o. Sarajevo	119.996,55	/	/	140.395,96

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Nexen" d.o.o. Banja Luka ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod c) stavka 4. TD, a u skladu sa članom 51. Zakona je traženo da ponuđači posjeduju-imaju na raspolaganju građevinske mašine i tehničku opremu neophodne za uspješno izvođenje predmetnih radova i to između ostalih i instrument za ispitivanje podzemnih kablova (radar).

Kao dokaz za traženi instrument za ispitivanje podzemnih kablova (radar) tačkom 7.4.2. pod c) TD je propisana važeća upotrebna dozvola.

Ponuđač "Nexen" d.o.o. Banja Luka je za traženi instrument za ispitivanje podzemnih kablova (radar) u svojoj Ponudi (strana 150. Ponude) kao dokaz dostavio Izjavu o posjedovanju instrumenta za ispitivanje podzemnih kablova (radara).

U dostavljenoj Izjavi ponuđač navodi da posjeduje instrument za ispitivanje podzemnih kablova (radar), te kao dokaz tome prilaže Spisak stalnih sredstava, uz napomenu da prema propisima Republike Srpske koji regulišu predmetnu oblast, navedeni instrument ne spada u kategoriju uređaja za koje se izdaje upotrebna dozvola, te je stoga istu nemoguće pribaviti, a samim tim i dostaviti kako je to traženo u Tenderskoj dokumentaciji.

Predmetna TD je zajedno sa Obavještenjem o nabavci objavljena na Portalu javnih nabavki 01.07.2022. godine.

Izmjena TD zajedno sa Ispravkom Obavještenja o nabavci su objavljeni na Portalu javnih nabavki 09.09.2022. godine.

U pomenutom periodu nisu postavljana pitanja od strane potencijalnih ponuđača za eventualnim izmjenama TD-u dijelu koji se odnosi na tehničku i profesionalnu sposobnost ponuđača.

Komisija za javne nabavke Općine Vogošća na osnovu svega iznesenog je smatrala da dostavljanjem pomenute Izjave ponuđač "Nexen" d.o.o. Banja Luka nije postupio po jasno postavljenom zahtjevu iz tačke 7.4.2. pod c) TD, kojim je nedvosmisleno zahtjevano da se kao dokaz za instrument za ispitivanje podzemnih kablova (radar) treba dostaviti važeća upotrebna dozvola.

Ukoliko je ponuđač "Nexen" d.o.o. Banja Luka imao saznanja da za traženi instrument nije moguće pribaviti traženu upotrebnu dozvolu prema važećim propisima Republike Srpske, trebao je da iskoristi institut pojašnjenja TD te da kroz pitanja i odgovore na TD zahtjeva eventualnu izmjenu TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ses" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Ses" d.o.o. Sarajevo, te je izvršena računsa provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ses" d.o.o. Sarajevo, za izvođenje radova na izgradnji i dogradnji javne rasvjete na području općine Vogošća, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 119.996,55 KM bez uračunatog PDV-a, odnosno 140.395,96 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradio:** Mirza Čutura

*Mirza Čutura*

**Kontrolisala:** Melisa Kršo

*Melisa Kršo*

Dostavljeno:

1. "Nexen" d.o.o. Banja Luka
2. "Ses" d.o.o. Sarajevo
3. Nadležnoj Službi
4. U dosije
5. a/a

051/963-956

033/766-557



OPĆINSKI NAČELNIK

*Edin Smajić*  
Edin Smajić